

四庫全書

集部

欽定四庫全書

集部

宛陵集卷二十八

六五

詳校官庶吉士臣張溥

檢討臣何思鈞覆勘

覆校官博士臣劉光第

校對官主簿臣汪日贊

謄錄監生臣林李

謄錄舉人臣張光熙

欽定四庫全書

宛陵集卷二十六

宋 梅堯臣 撰

李廷老自蔡州見訪云明日便歸鄭

故人夜相過秉燭為開席車馬立在門樽酒豈暇索
疊別後言忽忽恨將適既去暝色合不可見行迹

墨竹

許有盧孃能畫竹重抹細拖神且速如將石上蕭蕭枝
生向壁間天意足戰葉斜尖點映間透勢虛黏斷還續

粉節中心豈可知
澹墨分明在君目

江寧李諫議

滄江石頭下
沄沄瀉天東
寒潮日夕至
不與廢興同
陞下始封地
氣象常鬱蔥
六代有舊迹
物景付與公
切莫負山水
可追王謝風

方在許昌幕
內弟滁州謝判官
有書邀余詩送
近聞歐陽永叔
移守此郡
為我寄聲也

從事滁陽去
寄音苦求詩
吾詩固少愛
唯爾太守知
不

敢輒所拒勉勉作此辭山城本寂寞物色同淮夷淮俗
舊輕僇未識遠博宜無將麟在郊使欲等文狸爾去事
太守當矯庸庸為伊人道義富嘗立天子墀我輩在蟻
垤難謂太華卑又若遊蹄涔安見滄海涯況於爾實親
告爾爾勿疑

送胥裴二子回馬上作

陰陰雪雲低遊子去將嬾豈唯遊子倦疲馬行亦款送
罷我獨還回看鴈為伴念此日暮時寂寞閉竹館

初冬夜坐憶桐城山行

我昔吏桐鄉窮山使屢躡路險獨後來心危常自怯下
顧雲容容前溪未可涉半崖風颭然驚鳥爭隨葉脩蔓
不知名丹實坼在莢林端野鼠飛緣撓一何捷馬行聞
虎氣豎耳鼻息歛遂投山家宿駭汗衣尚浹歸來撫童
僕前事語妻妾吾妻常有言艱勤壯時業安慕終日間
笑媚看婦靨自是甘努力于今無所懾老大官雖暇失
偶淚滿睫書之空自知城上鼓三疊

和平叔道傍竹

野田有脩竹叢疎飽於霜下上之佳禽左右離枯桑豈
無行路子行路猷榛荒忽見此翠色徘徊未能忘車馬
去何疾迴顧隔山岡

荅裴如晦

懷我歌我辭乃知行子倦音雖彼妙發想若此可見歌
竟夜燈青野窗鳴濕霰髣髴聞孤鴻飛急應有羨

夜酌趙侯家聞合流曹光道詣府遂訪之一夕

縱談明日光道赴本任邀予詩送因敘其言以

贈焉

方與舊將飲談兵燈燭前聞有故交至心喜輒論邊跨
馬踏明月往見競留連且共語出處子懷予久然男兒
太平時功業未可先故當守詩書道義躋古賢苟復不
得用卷以放林泉吾蘊誠若此奈何貧所纏仕宦偶同
郡文字可以傳行行志茲語聊用樂永年

暮雪

暮雪止復落暗積如避人
平明視庭中物物各已新
草木一變妍枯槁忘其真
隨風來無迹高下得以均
采薇歌卒章霏霏霑車輪
今豈無是作勞苦不足陳

西湖對雪

獨玩湖中雪移舟水凍灣
寒塘起孤鴈危樹失前山
著物偏能積衝風不礙還
無慙子猷興都盡剡溪間

依韻和資政侍郎雪後書事

風旗冷落偏欺酒衆樹芳菲欲並梅
人意不知南畝望

只驚鴻鴈向川來

王龍圖知江陵

捧詔出荊州天心寄遠憂行車踐殘雪寒色犯輕裘
祖輶山川闊歌驪道路愁吏迎多越乘兵衛繁吳鉤地與
蠻溪接江通溪水流風宜橘林賦俗尚竹枝謳樽俎思
疇日煙雲感舊遊終當勞侍從寧久渚宮留

依韻和通判太博雪後招飲二首

雪晴何所樂樂趣在杯中況復君家美雕盤膾縷紅

邀飲奏醴醪案杯烹蟹螯吾非獨醒者莫誦楚人騷

依韻和資政侍郎雪後登看山亭

湖上晴煙凍未收湖中佳景可遲留更臨危樹看羣岫
雪色嵐光向酒浮

雪中通判家飲迴

時一卒彈胡琴

朔風聲滿枯桑枝陰雲不動蛟龍歸凍琴聚立高樹時
密雪萬里增寒威訪君留連舉酒危胡琴奏罷歡已微
小駒跨去沒四蹄飄花零亂霑人衣醉目遠望天地迷

何暇更問孤鴻飛茅屋豈無單且飢平明共賀麥壘肥
雪後資政侍郎西湖宴集偶書

潭心不凍處鴈鷺自相依積雪正無際因風忽起飛初
驚如避弋復下信忘機偶得從公飲聊書此景歸

近有謝師厚寄襄陽柑子乃吳人所謂綠橘耳
今王德言遺姑蘇者十枚此真物也因以詩荅
荊州持大橘亦自名黃柑忽得洞庭美氣味何可參遂
生吳洲思恨不羽翼南

運使劉察院因按歷歸西京拜省

在昔志四海所遇非一塗朝以言悟主夕即被金朱于
茲亦未幾用直升雲衢臺分東西屬御史從子除天馬
日千里豈並局促駒朔北過亂萌褒嘉賜璽書乃衣漢
使繡威譽傾國都借問世上榮萬國與此殊明朝歸洛
陽聊且餞高車亭堠况非遠春郊無疾驅

余之親家有女子能點酥為詩并花果麟鳳等
物一皆妙絕其家持以為歲日辛盤之助余喪

偶兒女服未除不作歲因轉贈通判通判有詩
見荅故走筆酬之

翦竹纏金大於掌紅縷龜紋桃作網瓊酥點出探春詩
玉刻小書題在榜名花雜果能眩真祥獸珍禽得非廣
磊落男兒不足為女工餘思聊可賞

元日

昔遇風雪時孤舟泊吳埭江潮未應浦盡室坐相對行
庖得海物鹹酸何瑣碎久作北州人食此欣已再是時

值新歲慶拜乃唯內草率具盤餐約略施粉黛舉杯更
獻酬各爾祝鮐背咀橘齒病酸目已驚老態豈意未幾
年中路苦失配嘉辰衆所喜悲淚我何耐曩歡今已哀
日月不可賴前視四十春空期此身在世事都厭聞讀
書未忍退過目雖已忘寧捨心久愛何當往京口竹里
翦荒穢行歌樂暮節薪菽甘自刈

通判遺新柳

園柳發新萐官居雪尚壅君喜持報春哀意非舊勇芳

非即可插予髮慙種種

送孫曼卿鑠廳赴舉

舊果豈非好截樹接新枝欲變明年花曾不根本移屈
彼自然性曰茲山木卑子才實豔富久為人所推固當
升高科我送作此詩

依韻和劉察院送客回過潁水馬上有作

車騎踏春堤脩然思如濯望驄人自避解凍魚方樂
流古樹根跨岸枯薪灼煙雲澹澹天嫩綠生叢薄

不知夢

夢中不知夢但謂平常時相與其笑言焉問久別離有
贈若有得及覺已失之人生在世間何異夢寐為

邾城道中

行行溪水邊鏡碧不可唾安知有沫流草木多偃卧潭
鳥瞥復沒灘沙淨如簸不獨荊州民居險頸癭大

汝州後池聽水

春水泉脉動分巖臨澗源津津出石齒泠泠紫竹根猶

和野雲翠復落郡池喧心靜意自適不知朝市煩

春鳩

鳴鳩識陰晦聒聒雌逐雄鵲巢汝得共可蔽雨與風春
物況不晚杏萼已半紅試看池館間燕雀隨西東

留別汝守王待制仲儀

來時柳未芽去見杏吐萼相歡無幾日節候已非昨
邂逅二十年三遇三睽索會合信難常焉用計疎數

夢覺

夕夢多夢之覺來遂成憶憶子生平時事往無一得信
若此夢寐豈不見顏色復存來告言言虛音匪默是覺
曷為真覺夢可以惑

汝州

主人少聽我為言風土殊美哉面有顴生此頸若壺噫
號無冬夏歲禱無嗟吁只憐郡池上不異山林居

逢牧

國馬一何多來牧郊甸初大羣幾百雜小羣數十驅或

聚如鬪蟻或散如驚鳥或踐麥無根或齧樹無膚牧卒殊不顧抱鞭人民墟欲酒與之飲欲食與之饋日暮卒醉飽枕鞭當路隅茫茫非其土誰念有官租

寄滁州歐陽永叔

昔讀韋公集固多滁州詞爛熳寫風土下上窮幽奇君今得此郡名與前人馳君才比江海浩浩觀無涯下筆猶高帆十幅美滿吹一舉一千里只在頃刻時尋常行舟艫傍岸撐牽疲有才苟如此但恨不勇為仲尼著春

秋貶骨常苦咎後世各有史善惡亦不遺君能切體類
鏡照嫫與施直辭鬼膽懼微文姦魄悲不書兒女書不
作風月詩唯存先王法好醜無使疑安求一時譽當期
千載知此外有甘脆可以奉親慈山蔬採筍蕨野膳獵
麇麋鱸膾古來美臯鹵今且推夏果亦瑣細一一舊頗
窺圓尖剥水實青紅摘林枝又足供宴樂聊與子所宜
慎勿思北來我言非狂癡洗慮當以淨洗垢當以脂此
語同飲食遠寄八君脾

衛州通判趙中舍

我久在河內頗知衛風俗沙田多種稻野飯殊脫粟况
聞別乘至佇望大河曲飲罷何以贈桑條路傍綠

資政王侍郎命賦梅花用芳字

許都二月杏初盛公府後園梅亦芳因思江南花最早
開時不避雪與霜主人惜春春未晚遂命官屬攜壺觴
酒行守吏摘花至素豔紫萼繇於裝天桃穠李不可比
又况無此清澹香豈辭盡醉對顏色頻顰競黏鬢蕊黃

何時結子助調鼎我心舊職不敢忘

歐陽永叔寄琅邪山李陽冰篆十八字并永叔
詩一首欲予繼作因成十四韻奉荅

我坐許昌塵土中山翠泉聲違眼耳公雖被謫守滁陽
日少郡事窮山水東南有風西北來忽得書詩連數紙
并寄陽冰古篆字字形矯矯龍蛇起其文乃只題姓名
大歷六年春紙尾報云此篆無人知野僧好事為公指
公留巖下久徘徊公別莓苔汲泉洗點畫雖然未苦訛

霜侵風剝多皴理公疑鳥迹踏蒼崖山祇愛惜將有以
雲藏至今不近俗月伴古源清且泚此石公知石不知
公與前人定知已墨模幾幅許傳玩譬於玦玉終可喜
况復為詩刻其下句奇字峻驚山鬼何當少得從公遊
為公揮筆寧非美

依韻荅范天民

古今冠佩立朝人多作北山松下塵我愛蟠桃種來久
開花結子不由春

樊推官勸予止酒

少年好飲酒飲酒人少過今既齒髮衰好飲飲不多每
飲輒嘔泄安得六府和朝醒頭不舉屋室如盤渦取樂
反得病衛生理則那予欲從此止但畏人譏訶樊子亦
能勸苦口無所阿乃知止為是不止將如何

依韻和通判二月十五日雨中

仲春月既望物候恰分中窗聽五更雨花開前日風詩
成止酒後病怯舉杯空短髮雖然黑心如一老翁

感春之際以病止酒水邱有簡云時雨乍晴物
景鮮麗疑其未是止酒時因成短章奉答

東風固無迹何處見春歸土逐草心坼雨兼花片飛雖
憐柔甲長只恐豔條稀君但惜晴景休言止酒非

和永叔琅邪山六詠

歸雲洞

洞深豈不有神物朝朝但見雲飛還雲收雨歇草樹濕
澗下流水空潺潺

琅邪溪

枯藤垂溪冰已消
溪水濺濺石間亂
潭靜鳥呼人渡時
鳥驚人語來還散

班春亭

林下鳩鳴坼晴杏
田間水漫春溶溶
使君固自足風美
時傍青山去問農

庶子泉

沙穴石竇無限泉
此泉緣底名不滅
庶子去來多少年

依舊清心共泉潔

石屏路

尋常畫屏多畫山何意此山還作屏峭拂直上幾千尺
下有石路莓苔青

惠覺方丈

松門隱者我未識一見君詩如已莖歲月任隨人事遷
此生不動雲生壁

宛陵集卷二十六

欽定四庫全書

宛陵集卷二十七

宋 梅堯臣 撰

荅宋學士次道寄澄心堂紙百幅

寒溪浸楮晝夜月敲冰舉簾勻割脂焙乾堅滑若鋪玉
一幅百錢曾不疑江南老人有在者為予嘗說江南時
李主用以藏祕府外人取次不得窺城破猶存數千幅
致入本朝誰謂奇漫堆閑屋任塵土七十年來人不知
而今製作已輕薄比於古紙誠堪嗤古紙精光肉理厚

邇歲好事亦稍推五六年
前吾永叔贈予兩軸令寶之
是時頗叙此本末遂號澄心
堂紙詩我不善書心每媿
君又何此百幅遺重贈吾
報不敢拒且置縑箱何所為
二月雨後有蚊蚋

春夜一二蚊蚋飛久不見之
尚可喜而今稍喧來聒人
向後更暖奈爾輩

春寒

春晝自陰陰雲容薄更深
蝶寒方斂翅花冷不開心
亞

樹青帘動依山片雨臨未嘗辜景物多病不能尋

荅韓三子華韓五持國韓六玉汝見贈述詩

聖人於詩言曾不專其中因事有所激因物興以通自
下而磨上是之謂國風雅章及頌篇刺美亦道同不獨
識鳥獸而為文字工屈原作離騷自哀其志窮憤世嫉
邪意寄在草木蟲邇來道頗喪有作皆言空煙雲寫形
象葩卉詠青紅人事極諛諂引古稱辯雄經營唯切偶
榮利因被蒙遂使世上人只曰一藝充以巧比戲奕以

聲喻鳴桐嗟嗟一何陋甘用無言終然古有登歌緣辭
合徵宮辭由士大夫不出於瞽矇予言與時輩難用猶
篤瘡雖唱誰能聽所遇輒瘖聾諸君前有贈愛我言過
豐君家好兄弟響合如笙叢雖欲一一報彊說恐非衷
聊書類頑石不敢事磨礱

前以詩荅韓三子華後得其簡因敘下情

前者報君詩妄說良有以昔予在京師多為人所詆短
章然無工實未甘藝比因君有過褒聊且發憤排何言

敢為師乃是貴不避平常遭口語攢集猶毒矢此論苟
一出是非必蜂起偶爾道瘖聾多疑已竊指雖恃不欺
衷恨未致速死安得二頃田歸耕苟為恥誰能事州郡
雞狗徒聒耳

過穎橋懷永叔

昔送之官東郡時夜闌對酒風揭屋君今淮海予再過
古驛依老槐綠

樁澗晝夢

誰謂死無知每出輒來夢豈其憂在塗似亦會相送初
看不異昔及寤始悲痛人間轉面非清魂歿猶共

靈樹鋪夕夢

晝夢同坐偶夕夢立我左自置五色絲色透縑囊過意
在留補綴恐衣或綻破歿仍憂我身使存心得隨

汝州王待制以長篇勸予復飲酒因謝之

前因飲酒多乃苦傷營衛嘔血踰數升幾乎成病肺上
念父母老下念妻兒穉不死常抱疴於身寧自貴樊子

來勸我止飲良有謂公復遺我詩責我詞甚毅指以年
齒哀非酒何養氣春飲景可樂夏飲暑可避秋飲心忘
愁冬飲暖勝被醉歌人不怪醉言人不忘在酒功實多
止酒酒何罪假如壽九十今子已半世不飲徒自苦未
必止為利胡汨妄與真恐乖達者意屈原吟澤畔方悟
獨醒累子居今之時安免人病議是以告子勤子守亦
謬計我讀纔一過不覺顏起媿自茲願少飲但不使疾
熾書此以謝公公言誠有味

陪王待制清凉院觀牡丹賦詩

公言牡丹盛未覩古人詩品衆自爭貴葉多方見奇名
因他姓著色為別根移華髮我何感洛陽年少時

和王待制牡丹詠

誰移洛川花一日來汝海濃澹百般開風露幾番改傍
欄人自醉惜翦春有待使君方少年共賞喜我在

洛陽牡丹

古來多貴色殘去定何歸清魄不應散豔花還所依紅

棲金谷妓黃值洛川妃朱紫亦皆附可言人世稀

汝州登慈寺閣望嵩岳

崢嶸古寺閣蒼山插晴簷少室出天外巍巍何尊嚴王
都在其下風露國所霑日暮飛雲歸已失中頂尖

睡意

少時好睡常不足上事親尊日拘束夜吟朝誦無暫休
目眇生瘡臂銷肉今踰四十無所聞又况喪妻仍獨宿
虛堂淨埽焚清香安寢都忘世間欲花時啼鳥不妨喧

清暑北窗聊避燠葉落夜雨聲滿階雪下曉寒低壓屋
四時自得興味佳豈必鏘金與鳴玉萬事易厭此不厭
真可養恬無天促且夢莊周化蝴蝶焉顧仲尼譏朽木
人事幾不如夢中休用區區走榮祿

三月十四日汝州夢

我歸十九年飲不負升斗昨夕夢見之謂須多置酒雖
慰魂來言定不復入口俟當返吾廬且為貯罌缶夢寐
何敢欺從笑愚所守

再別仲儀

前別歲月遠道同情相親三旬忽相見愈厚不厭頻昔
云思數面今無媿古人睠然東去懷紛若陌上塵

夕發陽翟

我行陽翟道暮雨原上急麒麟冢相望霹靂碑下立農
耕傍山去鬼火迸林入莫問泉下人馬墮衣更濕

缺月

缺月來照屋角時西家狗吠東家疑夜深精靈鬼物動

僊宰古莽無風吹

道次靈井

井面水不動傍分龍鱗激泉氣時生漚上湧光的皪深
苔翠堪染石底清可覲旱歲或來祠彈絃屬靈覲

荅江十鄰幾

蔡州非所遐作書素所嬾春風領燕來得君詞款款燕
迴須在秋此報莫言緩何日見嵇康重彈廣陵散

喜謝師厚及第

時第一甲二十八人君名在二十三

宿雨洗新綠朝日初聞鶯風從天門來吹下玉簡名列
星二十八經緯何縱橫南方朱鳥目光燄令人驚其餘
撒沙衆龜鼈爪瓠明吾欣安石後世世有令聲

孟夏二日通判太博惠庭花二十枝云是手植
因以為荅

前日已春盡夏卉抽嫩青唯君所植花餘紅猶滿庭常
惜畏景逼贈未及飄零欲插為之醉但慙髮星星

水邱於西湖得活鯽魚三尾見遺余頃在襄城

獲數尾時歐陽永叔方自乾德移滑臺留待其
至且有詩後居京師蔡仲謀者亦有以贈乃思
襄時所留復有詩於今三得三詠之

襄城得圓鰕留以待吾友大梁又得之始憶終按酒今
君復持贈重念滁陽守滁陽石瀨中此物豈無有三得
實嘉遺我敢自私口口且不多甘事亦難利誘

和江鄰幾見寄

自此許州起慶歷
六年夏盡其年終

清風當晝起吹我庭下槐軒軒枝上葉碎影亂綠苔左

右無人聲時有啼禽來啼禽感所懷其音一何哀思歸
無曉夕血滴山榴開曰予當是時為之腸九迴江子方
謫官復有擬古才遠寄平澹辭曷報瓊與瓌

雀奪燕巢生四雛

去年燕營巢銜泥入我廬秋歸春復來橫被雀所居翩
然去不較義者欲與除毀覆必傷卵愛彼此何疎乃埃
長黃口逐之寧曰紆果得生四雛卉色頭戢如後當還
燕巢穿屋不害余

和歐陽永叔啼鳥十八韻

南方窮山多野鳥百種巧口乘春鳴深林參天不見日
滿壑呼嘯誰識名但依音響得其字因與爾雅殊形聲
我昔曾有禽言詩粗究一二啼號情苦竹岡頭泥滑滑
君時最賞趣向精餘篇亦各有思致恨未與盡衆鳥評
君今山郡日無事靜聽鳥語如交爭提壺相與來勸飲
戴勝亦助能勸耕我念此鳥頗有益如欲使君勤以行
勸耕幸且彊職事勸飲亦冀無獨醒杜鵑蜀魄哭歸去

小人懷土慎勿聽城頭春鳩自謂掘鵲巢輒處安得平
高窠喬木美毛羽哢葉底無如鶯口中調簧定何益
下啄蚯蚓孰曰清自餘多類不足數一一推本煩神靈
我居中土別無鳥老雅鸚鵡方縱橫教雛叫噪日羣集
豈有勸酒花下傾願君切莫厭啼鳥啼鳥於君無所營

和永叔桐花十四韻

湛湛碧井水其上有梧桐春隨井氣生白花飛濛濛曉
枝滴甘露味落寒泉中結實待瑞羽歲晚半枯空桐既

無鳳皇井豈潛蛟龍乃知至神物未易令人逢當時集
潁川偶值黃次公次公入為相此鳥曷不從遂使神鷗
雀竟用竒怪窮我言非毀古欲遵平直蹤我願二千石
但使德化隆有桐鳳不來於桐無媿容有鳳政不舉於
鳳何為崇荅君桐華篇聊以發我衷

和王仲儀詠癭二十韻

汝水出山險汝民多病癭或如雞精滿或若猿噉並女
慙高掩襟男大闊裁領飲水擬注壺吐詞侔有鯁樗里

既已聞杜預亦不幸秦人號智囊吳瓠繫狗頸臍肭常
住頤伶仃安及脛只欲仰問天無由俯窺井挾帶歲月
深冒犯風霜冷獸惡雖自知剖割且誰肯不唯羞把鏡
仍亦愁弔影內療煩羊羴外砭費鍼穎在木曰楠榴剝
之可為皿此誠無所用既有何能辟音屏膨脝廁無首臙
腫異臙頂難將面目施可與胎胞逞賢哉臨汝守世德
調金鼎氓俗雖醜乖教今日脩整風土恐隨遷晨昏憂
屢省儻欲便慈顏名誠不難請

憶吳松江晚泊

念昔西歸時晚泊吳江口
回堤遡清風澹月生古柳
夕鳥獨遠來漁舟猶在後
當時誰與同涕憶泉下婦

使者自隨州來知尹師魯寓止僧舍語其處物
景甚詳因作詩以寄焉

驛使話漢東故人遷謫處所居雖非居有樹即嘉樹日
膳或雞犬時蔬多荀芋夜堂蛇結蟠畫戶鵲噪聚著書
今未成愛靜已得趣予欲訪其人炎蒸未能去

夏日對雨偶成寄韓仲文昆弟

日日城頭雨還添湖上波窗中人自聽門外潦應多不
畏車生耳唯愁麥化蛾吾廬無所有頻看壁間梭

憶將渡揚子江

月暈知天風舟人夜相語平明好挂帆白浪須出浦此
身猶在吳歸夢預到楚今日念同來吾妻已為土

秀叔頭蟲

吾兒久失恃髮括仍少櫛曾誰具湯沐正爾多蟣蟲變

黑居其元懷絮宅非吉蒸如蟻亂緣聚若蠶初出鬢搔
劇蓬葆何暇嗜黎粟翦除誠未難所惡累形質

穉子獲雀雛

屋頭小雀雛氣力苦未長乘暄學調羽忽挂蜘蛛網其
母不能救啁啾空下上乃為人所探不是蟲絲枉

丙戌五月二十二日晝寢夢亡妻謝氏同在江
上早行忽逢岸次大山遂往遊陟予賦百餘言
述所覩物狀及寤尚記句有共登雲母山不得

同宮處仿像夢中意續以成篇

晝夢與予行早發江上渚共登雲母山不得同宮處何
嗟不同宮似所馱塗旅樹杪俯烏巢圻轂方仰乳雄雌
更守林號噪見飛鼠鼠驚豎毛怒梟枝如發弩逡巡吼
風雲遠望射巖雨東南橫虹霓萬壑水噴吐下尋歸路
迷欲暮各愁語忽覺皆已非空庭日方午

蜜

燕銜片根泥蜂掇花上蕊帶雨兩股飛所取日能幾調

和露與英凝甘滑於髓天寒百蟲蟄割房霜在也燕已成雛歸蜂憂凍餒死乃見萬物心多為造化使

王德言自後圃來問疾且曰圃甚蕪何不治因

荅

幾日不行圃野草過人頭客怪苦荒穢誰與持鉏鉤雖然自薶薶抱病方告休即當秋風高埽籜將遲遊

夢觀

閉目光不揚夢觀良亦審既非由目光所見定何稟白

日杳無朕冥遇嘗在寢此恨不可窮悲淚空流枕

悲書

悲秋快於刀內割肝腸痛有在皆舊物唯爾與此共衣裳昔所製篋笥忍更弄朝夕拜空位繪寫恨少動雖死情難遷合姓義已重吾身行將衰同穴詩可誦

合流曹光道惠鉅李知其炎酷中有此味亦可樂也輒以詩寄

頽傍成蹊李其實小於拳誰知皴枝瘦生此紺玉鮮摘

以筠梢籠沉以石根泉濛濛粉未落絮絮葉猶連蔭樹
咀甘液安有苦熱煎報君惜茲樂時詠逍遙篇

深夏忽見柰樹上猶存一顆實

纍纍後堂柰落盡風雨枝行樂偶散步倚杖聊縱窺林
葉隱孤實山鳥曾未知物亦以晦存悟茲身世為

病癰在告韓仲文贈烏賊筍生醅醬蛤蜊醬因
筆戲答

我嘗為吳客家亦有吳婢忽驚韓夫子來遺越鄉味與

官官不識問儂儂不記雖然苦病癰饒吻未能忌

寄光化退居李晉卿

久無歸田人今喜子去祿移家漢水濱日見漢水綠川
鱗可為饕山毛可為藪竟歲戢往還行提樂風俗青巾
偏上郎漆鬢顏如玉倚檣臨落照獨唱江南曲聽若在
江南歡然自為足我心雖有羨未遂平生欲更期畢婚
嫁方可事巖麓買山須買泉種樹須種竹泉以濯吾纓
竹以慕賢躅此志應不忘他時同隱錄

汝南江鄰幾云卽南並淮浮光山有張隱居種
松檜於其上養母甚孝時有猛獸馴庭中又郡
西麻田山土沃泉美久不墾有劉叟者聞而居
之近董氏黃氏欲買土為鄰故江有慕之之作
予輒次其韻

峩峩淮山上中有隱者棲不知松檜下但見虎豹蹊人
羣固已遠樵客入猶迷且奉采蘭養應無抱玉啼麻田
異麻源石路春無泥高士不近俗更在西嶺西石泉飲

自足深壑無人躋不學淮南王安問犬與雞二人逍遙
性所樂唯杖藜復有來慕鄰他年寧荅嵇頭君且勉職
聖世未易睽

魏文以予病渴贈薏苡二叢植庭下走筆戲謝
媿無相如才偶病相如渴湏水有丈人薏苡分叢苡為
飲可扶衰餘生幸且活安知惡已者不願變野葛

宛陵集卷二十七

欽定四庫全書

宛陵集卷二十八

宋 梅堯臣 撰

和資政侍郎湖亭雜詠絕句十首

遠山

插雲千萬重一望不可暫前嶺與後峰翠色濃復澹

蓮塘

不畏塘雨急鈿葉自相遮紋禽忽驚去衝落波上霞

漁潭

煙潭深不極鑑碧無淺花日脚下波心澄江見魚鰕

稻畦

淺淺碧水平青青稻苗長偏知楚客愛白鷺飛下上

苔徑

林間夏雨滋復有斜陽照綠淨不搖風從教春草笑

流泉

石齒嚼寒聲鄰鄰縈曲處有時浮落英又過城根去

小橋

伐桂向芳洲跨波灣勢小時愛游人渡游人在林杪

漁艇

古木剝為舟野藤牽作纜釣人寒雨中遠望煙蓑暗

採菱

紫角菱實肥青銅菱葉老孤根未能定不及寒塘草

汀鷺

食魚日已晚矯翼煙際還不與鴈鶩競風標亦自閑

王德言夏日西湖晚步十韻次而和之

雨餘殘照在塘靜獨行行荷積水珠重天收霓帔輕倦
禽依卧柳聚蚓殢坳泓帽側林枝礙裳褰野蔓紫茭韜
園客剥蒲刃水祆驚淩淩流泉活濛濛夕霧平榴房生
蠹落蛛網害蟲成坎黽無時怒渾魚自樂清高臺從獸
窟古道有根橫寫景未能就娟娟月上城

新治竹軒

作軒仍見竹瀟灑排青幢斜烏與落月靜影晝寒窻光
沒影亦沒激水自淙淙夜深猶讀易誰更憶清江

麥門冬內子吳中手植甚繁鬱罷官移之而歸
不幸內子道且亡而茲草亦屢枯今所存三之
一耳遂感而賦云

香草葉常碧本生巖澗邊佳人昔所愛移植堂堦前自
吳北歸梁復以盆盎遷佳人路中死此草未忍捐與我
日憔悴根不通下泉勤勤為澆沃稍見萌穎鮮終當置
墳側長茂松柏埏

野鴿

孤來有野鵠背眼肖春鳩飢腸欲得食立我南屋頭我
見如不見夜去向何求一日偶出羣盤空恣嬉遊誰惜
風鈴響朝夕聲不休飢色猶未改翻翅如我仇炳哉有
靈鳳天抑為爾儔翕翼處其間顧我獨遲留鳳至吾道
行鳳去吾道休鵠乎何所為勿汙吾鐺甌

孫曼叔暮行汴上見鵠擊蝙蝠以去語於予

野鵠性凌裂所食唯獍飛小鳥不入眼拳發強弩機日
暮未有獲豈擇大與肥瞥下攫蝙蝠去以填腸飢休笑

老鷓飽銜得腐鼠歸

寄宋中道

爾書我不荅爾怒從爾罵天馬新羈時氣橫未可駕儻
我一日死爾豈無悲咤唯知道義深小失不足謝

梨花憶

欲問梨花發江南信始通開應寒食雨落盡故園風白
玉佳人死青銅寶鏡空今朝兩眼淚怨苦屬衰公

畫竹枝扇

石上老瘦竹忽在紈扇中執之意已涼不待搖清風小
節未見粉淚痕應合紅日將炎暑退畏蠹生秋蟲

兩日苦風思江南

擺磨萬木聲朝吼暮不止吹沙作雲飛物狀顏色死還
念江上山落瀑鳴幾里茅茨松竹間翠滴門前水下窺
石穴魚出入數十尾是時殘照微古路誰家子羸馬入
煙林區區何若此昔笑今已迷薄官正如彼何當却歸
來臨流重洗耳

送謝師厚歸南陽

竹館陰以風灑水坐猶熱念子遠歸時焦煙起車轍落
日原上微烏棲人欲別我心明月在相照異盈缺

資政王侍郎南京留守

百世興王地乘時已建都離宮萬戶寄京邑四方模尹
以名臣擇朝仍宿哲俞果資卿屬重將俾國人蘇迎餞
車交轍奔馳士結塗許嗟人惠奪宋遲德恩敷日月天
闡近山河地勢趨壓城隋柳密開苑漢池枯文物希前

代謳歌得大儒鄒枚跡雖古賓從豈今無

送通判太博

相見不在久見久未必親無為歲月淺豈不膠漆均猶
嗟欲別日事疊如排鱗安得獨攜酒遠送秋水濱

和韓子華桂花

莫以天下桂皆為月中物猶言月有兔野豈無狡窟空
山桂花多豔色粲然發樵客不知覺奈何新變屈

宿安上人門外裴如晦胥平叔來訪

胥裴喜我至冒雨夜出城燈前相對語怪我面骨生為
言憔悴志因意多不平亦見子頷鬚長黑已可驚知子
有所立毛髮隨世情子心且如舊後輩苦前輕

宋中道失小女戲寬之

宋子失女嬰苦將造物怪造物本無惡爾責亦已隘且
如工作器寧復保存壞收淚切勿悲他時多壻拜

乃經臣將歸南徐許子尋隱居之所及亡室墳
地因走筆奉呈

欲居江上山試與問京峴常觀鮑家詩心慕已不淺行
當卜結廬依農事清畎傍葬吾先妻同穴晚未免買谷
勿險深求岡要平顯松竹應所宜蒿萊預教翦我志沒
不移君言幸須踐

尉氏縣阮籍嘯臺

古城多瘦棘莽莽連荒臺不見長嘯人黃土空崔嵬北
顧蓬池上枯廢生蒿萊當時思大梁還望已徘徊今我
復懷昔豈不傷且哀烏呼有遺響英靈同土灰

送趙仲寶永興乾耀提舉捉賊

知君少以勇曾向蕭關戰橫刀突魯圍奪馬傷胡箭當
時獨免歸猛毅邊人羨今來提漢卒寇盜清秦縣未足
賀功名功名他日見

合流河堤上亭子

隔河桑榆晚藹藹明遠川寒漁下灘時翠鳥飛我前山
藥植瑣細野性仍所便令人思濠上獨詠莊叟篇

早至潁上縣

夜發曉未止獨行淮水西明知寒草露暗濕瘦驄蹄半
滅竹林火數聞茅屋雞秋天畏殘暑不為月光迷

欲陰

鸚鵡知天風鵲鵲知天雨塗路厭塵昏車馬煩泥阻陰
仍老易覺體賁預辛楚安坐與壯年慎勿忘酒脯

正陽驛舍夢鄭并州寄書開之即三山圖也

我來清淮側夢得鄭公書開書一把玩乃是三山圖山
形雄且邃筆畫簡而疎紙幅不盈尺萬仞勢有餘卷置

懷袖中意獲寤已無

新婚

前日為新婚喜今復悲昔聞中事有託月下影免隻慣
呼猶口誤似往頗心積幸皆柔淑姿稟賦誠所獲

登舟

向起風沙地暫假烏榜還浩然起遠思欲與魚鳥閑景
目洗已清詠句稱且慳時看秋空雲兩意濃澹間

諭鷗

翩翩沙上鷗安用避魚舟
魚人在魚利何異爾所求

釣蟹

老蟹飽經霜紫螯青石殼肥
大窟深淵曷虞遭食沫香
餌與長絲下沉寧自覺未免
利者求潛潭不為邈

取蟻

東灣暖無沙有蟻澗泥下輕
舸復翠竿預致曾誰捨剝
肉不知數持為楚鄉鮮嗜味
固足珍况亦椒橙假

潁水費公渡觀飲牛人

渡口飲牛歸邨墟夕陽裏黃犢未及羣抱帶過寒水利
心乃如仁耕領破不止當時彼何高獨能譏洗耳

潁水

潁水苦流瀑淺平秋與冬岸深開地勢底碧寫天容道
枉隨灣去邨浮盡日逢迷魚是潭曲寧見窟蛟龍

打魚

插葦截灣流寒魚未能越安知罟師意設網遮其闕不
須芳餌懸何待清歌發所獲勝綸竿寧聞憂澤竭

八月就湖上會飲呈晏相公

明當是重九黃菊還開不先將掇其英秋遲未能有顏
齡無以制但不負此酒紅頰誰使歌公憐牛馬走

九日櫚芳園會呈晏相公

今日始見菊雖見未全開猶勝昔無酒持望白衣來破
籬浮金英雜蟻已盈杯何必採丹萸結佩上高臺自不
媿佳節安聽飛鴻哀

謝晏相公

刻意向詩筆行將二十年曾經長者目未及古人肩昔
慕荀文若多稱王仲宣今慙此微賤重辱相君憐

道中謝晏相公寄酒

潁泥墨印幾壺醪將慰窮途阮步兵一夜臨流對明月
舉杯愁聽鴈來聲

水苔

深苔何所若苦詠費毫尖繞繞水仙髮茸茸蛟客頰綠
縈秋石淨嫩值翠篙黏尚毛參差荇薄言無此嫌

新鴈

塞鴈與寒來夜落汀洲宿泊船人不寐月下聲相續

依韻和晏相公

微生守賤貧文字出肝膽一為清潁行物象頗所覽泊
舟寒潭陰野興入秋蒺因吟適情性稍欲到平澹苦辭
未圓熟刺口劇凌苳方將挹溟海器小已激濫廣流不
拒細媿抱獨慊慊疲馬去軒時戀嘶芻秣減茲繼周南
篇短撓寧及艦試知不自量感涕屢揮慘

以近詩贄尚書晏相公忽有酬贈之什稱之甚
過不敢輒有所敘謹依韻綴前日坐末教誨之
言以和

嘗記論詩語辭卑名亦淪

公曰名不盛者辭亦不高

寧從陶令野

公曰

彭澤多野逸田舍之語

不取孟郊新

公曰郊詩有五言一句全用新字

琢礫難希

寶噓枯彊費春令將風什付可與二南陳

塗中寄上尚書晏相公二十韻

驚飈入林鴉亂飛舞空落葉相追隨秋權摧物不見迹

但使萬古生慈悲登山臨水昔感別身作旅人安得宜
單舟匹婦更無婢朝餐每媿婦親炊平生獨以文字樂
曾未敢齒貧賤為官雖寸進實過分名姓已被賢者知
踈愚生不謁豪貴守此退縮行將衰潁州相公秉道德
一見不以論高卑久調元化費精力猶且未倦刪書詩
唐之文章別蕪穢纖悉寧有差毫釐謂其就學可與語
便語淵奧祛佹疑浮言近意不歷口直欲海窟掣蛟螭
再拜膝前荷勤誨垂素綯載歸忘飢解艇水驛無幾舍

新詩又遣牙兵持上言行李覽物景聊可與婦陳酒卮
下言狂斐頗及古陶韋比格吾不私相公賚且事翰墨
我輩豈得專遊嬉今將蒿芹薦俎豆定亦不以微薄遺
嘗令有詠無巨細當因川陸舟車貽日對順流思疾置
老魚姦怯潛鱗鬚

舟中夜與家人飲

月出斷岸口影照別舸背且獨與婦飲頗勝俗客對月
漸上我席暝闕亦稍退豈必在秉燭此景已可愛

舟中行自採枸杞子

野岸竟多杞小實霜且丹繫舟聊以掇粲粲忽盈盤助
吾苦羸茶豈必採琅玕自異驕華人百金求秘丸昔聞
王子喬上帝降玉棺此焉即不免但願在世安

蔡河阻淺

陸乏百鈞駝水假孤艇進艱苦灣灘長曲折劇篆印蔡
方阻淺涸寸步且慳吝膠舟看在前暗磧疑難慎誰能
使鼻盪空自思禹濬丈夫少壯時必在馳驅駿

黃駸

維舟飯孤邨隔岸見黃駸闕牧正苦飢瘡鳥復下啄闕
心無柘彈投塊徒自數力小不能中汗顏慙且渥

入澤王河口

遠水路已別古汭未窮源定知前山雨瀑沫至且渾暗
生秋草下稍復夏潦痕更去待月上猶應可到門

西華逢李令子翼

適從潁水歸道逢西華長不見二十年顏鬚我非曩君

問洛陽日舊友多泉壤更別如前時應復少吾黨

合流值雨與曹光道飲

秋風號衰林秋雨阻歸客賴有故時交舉杯聊岸幘談
兵與論文曾不涉陳迹畢竟無所施醉去思泉石


寄送謝師厚餘姚宰

我從淮上歸君向海濱去安知無幾舍邂逅不相遇頗
知飛空雲到月不得附月行既不留雲亦值風故誠知
會合難豈是忘所赴我雖躡新屨心不捨舊屨誰謂若

世人食瓜思弃瓠君南我起北日見陽鴈度茲欲遠寄
音鴈行高且遽但誦金石言於時儻無忤

李密學遺苔醬脯云是自採為之

濕流寒且急岸草已彫摧石髮尚堪把江人曾不來誰
將烏榜去留採碧潭隈持作吳鄉味能令案淥杯



宛陵集卷二十八

欽定四庫全書

集部

宛陵集卷二十九至三十一

詳校官庶吉士臣張溥

檢討臣何思鈞覆勘

覆校官博士臣劉光第

校對官主簿臣江日贊

謄錄舉人臣張光熙

欽定四庫全書

宛陵集卷二十九

宋 梅堯臣 撰

陽翟縣城凝窩亭

西北望嵩色憶上大室時陟彼已不淺坐此安能知今
來絕壁下但見前峰危正與曩禾異目存迹焉追

王仲儀寄關茶

白乳葉家春銖兩直錢萬資之石泉味特以陽芽嫩宜
言難購多串片大可寸謬為識別人予生固無恨

次韻和王道損風雨戲寄

小雪纔過大雪前蕭蕭風雨紙窗穿而今共唱新詞飲
切莫相邀薄暮天

鬪飲鶉孫曼叔邀作

脫命秋隼下鳴鬪自為勇爭雄在數粒一敗勢莫擁慙
將縮袖間懷負默而拱勝且勿苦欣猶驚辱與寵

和道損欲雪與家人小兒輩飲

陰雲濃壓野風獵樹高鳴寒禽並枝立頗以見物情目

前兩穉子為慰豈異卿欲置一壺酒且獨對婦傾

韓持國邀賦關山鵲

俗有巧鬪心畜此巧鬪禽搏擊無迅節爪觜自相侵胡
能知遠人角勝合百金鳳皇安在哉從此望丹岑

依韻和酬韓仲文昆季聯句見謝

子前與道損
遊西湖淨居

堂因至
其第

冬日晴且暖林塘思淨居住興都未盡遂經韓氏廬韓
氏兄弟賢各各趨異塗吾儕與之游何異田蘇俱經疑

反此質學陋慙無餘况茲諸少年高論傾國都以及治
民術縱橫無所拘又涉方外說於道曾不殊詩評杜兼
李字法褚與虞啜茗豈非好啗栗彊為娛久厭官局檢
聊休體質舒次第極言笑左右排圖書終日欣博約貶
異正則扶所賴存汎愛未以我為愚持歸接士論頗亦
類販沽復聯長詩來味若餐瓊腴其辭多自損似欲大
厥譽顏子乃庶幾仲尼稱弗如不戢會遇頻雲龍寶相
須最和躡麟趾舉步未敢渝

種藥

雲外陽翟山實與嵩少接山中採藥人能自辨苗葉當
須斷其根以遂素所愜野籜包舊土遠置風雨捷故本
含新芽枯筵帶空茨植雖平地勢培壅得專輒冬誰論
臭香春定引蜂蝶豈唯識草木庶用補羸茶

答韓六玉汝戲題西軒

吾軒今於水吾居易為足誰與哦其間風窻數竿竹雖
無泉石清尚不媿茅屋所樂違俗喧此趣大已熟

和韓五持國乞分道損山藥之什

不種東陵瓜不利千畦韭山藥數十本帶土移野叟故
葉萎未醒傷根亦何咎既為君子好豈與騷人負騷人
比畫工丹青出其口欲分欄下苗馳奴仍置簞主人可
無怯所尚非獨有從茲各勤灌肯在園蔬後今雖勝曝
蓄畀意資玉曰人事固已然秘方看繫肘

送長陵清辨師歸寧

山房古柏暗近在漢陵邊天供不為樂母心常所懸朝

塗髮根冷暮野鳥行先子道豈殊衆誰云絕世緣

依韻和李密學會流杯亭

園林固足勝景著必人賢將泛杯中物遠分湖水泉來
從百花底轉向衆賓前易醉緣多病陪公媿少年

依韻和韓子華陪王舅道損宴集

韓氏兄弟八人而七人在

坐

雲低未成雪寒氣已侵席凍醪傾白濁乾果列紫赤風
微時破面亭敞宜張帟來望野興通古城何額額邀射

弓鈞開破的翦羽白坐中聲喧呼不覺屢傾幘醉驚一
發功誰許百金易非等將帥能聊將賓友適中酒作暴
謔心親語多劇吾徒固不羈安可限常格去忌無俗流
起酌驚臧獲八龍觀諸韓頭角相戢迫參差玉峰前愛
慕不知夕誰嗟短景移能使各情釋為賀主人翁賢甥
無久隔此會舉世稀頻頻奚所惜

飲韓仲文家

飲酒衆所嗜未若朋會樂終日不為荒於時豈多忤坐

客十餘人七子實棣萼杯行發嚴令孰不資善謔巧詞
劇猱捷辨機如弩彊醉舌彊且遲罰觥奚屢酌正言訐
詭諛簡禮去酬酢迭嘲果與疏相呼花間藥是非不親
親笑語何落落夜歸歡有餘孩穉扶仍嚟

玉汝贈永興冰蜜梨十顆

梨傳真定間其甘曰如蜜君得咸陽中味兼冰作質遺
之析朝醒亦以蠲煩疾吾兒勿多嗜不比盤中栗

王道損贈永興冰蜜梨四顆

名果出西州霜前競以收老嫌冰熨齒渴愛蜜過喉色
向瑤盤發甘應蟻酒投仙桃無此比不畏小兒偷

寄題滁州豐樂亭

泠泠幽谷泉近在青峰下使君去窮源林外留車馬一
徑穿篠深蔽日復瀟灑行盡逢泓澄翠影如可瀉雲樹
陰其傍造物將有假引水開石池結宇覆碧瓦乃知愛
玩心朝夕未忍捨近移溪上石怪古蒼蘚惹芍藥廣陵
來山卉雜天治春禽時相鳴賓從不應寡欲問淮南趣

還思洛陽社勝事已不辜吟觴無倦把

和韓仲文西齋閑夜有懷道損舅及予

冬日每苦短方愛夜漏永積雲寒擁齋徘徊延月影獨
能懷親友出門見參井是時發清詠筆若天驥騁

前此諸韓來飲獨仲連以小兒病不至明日仲
連有夜坐見懷之什因成荅章

夜與賢豪飲方聞默坐時我斟相樂酒君詠寄來詩莫
恨殊喧寂真緣篤愛慈何當因雪興過此未應遲

奉和子華持國王汝來飲西軒

我誠官局冷終日事靡拈每耽古人書似與世俗闊同
道三四人來過慰飢渴迭相陳語言曾未戢刀但自中
將過晡留飯具麤糲薄酒繼以斟不覺寒日沒愚妻方
罷沐供飲媿倉卒凍婢昧煎和親調首忘髯每食各驚
顧誰謂不黔突倦僕暖吾薪飢馬飽吾秣馬無歸嘶聲
僕有顏色活安穩不知疲明釭仍為撥醉言實無次曾
未窮本末諸君競相先出口論莫奪復云天地間此能

有幾達我聞顏汗下恐後謗難遏其間常有言但未見
疵齟終當輕有若悔目已屢眦莫八反信哉羣玉林豈得
依朽枿吾心為之然收舌如斷割寄音謝豪俊茲蘊只

圭撮

和道損喜雪

密雪已迎臘隨風來拂巾偏知寒夜屋不管醉歸人暗
積空庭合偷裝衆樹新沃田將望歲壓瘼且忘貧薄厚
曾無意飄揚似有因既能先覆物乃見未饒春作陣從

天落何功得地均暫欣供一賞惜迹馬蹄塵

荅持國遺魴魚皮膾

海魚沙玉皮翦膾金齋醢遠持享佳賓豈用飾寶劍予
貧食幾稀君愛則已汎終當飯葵藿此味不為欠

與仲文子華陪觀新水碓

湖壩此興塏許俗見仍稀激射聊因勢回環豈息機水
如巖下過人悟雪中歸坐想韓夫子心應不道非

與道損仲文子華陪泛西湖

冰消湖已綠渺渺鴨頭春船學吳兒刺吟稀楚老新對
山憐去鳥隔樹識遊人誰念滄江上風柔採白蘋

和持國石蘚

石根雲常蒸老蘚密於毯濕翠連澗陰淨綠繞巖坎不
異泉上芹丰茸猶可擘安知山中客遠寄趣已澹

同諸韓飲曼叔家

富貴豈盤餐日可侑清角不與賢者俱飽食何所學吾
友雖日貧邀賓不辭數質衣為酒有出論輕管樂其饌

精且甘刀几孰親握是時魚苦眩引去意頗確羸馬雪中歸醉醒誰復較

和仲文西湖野步至新堰二首

決決堰根水層層湖上田寒魚猶著底白鷺已飛前履惜春泥滑衣從澀蔓牽偶來成野望歸興自留連

潭上水容暖野中寒吹橫行塘人已晚吟步日難更凍地坼枯龜斷冰流破鏡王都且不遠樂此林泉性

送韓奉禮

崇道

將欲侍親去獨要予贈言世風還自有文體不須論稍
愛春波急微生野岸根行舟寧覺遠幾日到都門

諸韓來會別

諸韓行有日別思更依依獨歎從予少還看似子稀呼
童聊奏酒泗水為開扉蘇合滌裘美雪中闔闔歸

送仲文

三年不出戶孝行閭井聞近俗遂知化豈非由所薰御
琴趨國門何必長守墳美哉若君子忠可移於君

送子華

識君雖恨晚說詩屢解頤
吾徒固難合所合終不移
冒寒躍馬來且言行有期
河上冰始圻輕擢去未遲

送仲連

別緒如亂絲欲理還不可
却悲嬌女詩寧戀更效左
是時遠道懷紛紛上歸舸
憐君正如此豈任風雨侮

送玉汝

談笑去拘忌乃見相與深
風騷得往返但見非知音
明

日車馬北豈不動離襟春風靡蕪綠別恨生遙岑

玉汝遺橄欖

南國青青果涉冬知始摘雖咀澀難任竟當甘莫敵來
從萬里外或以苦口擲所投同木瓜欲報無瓊璧

和王待制出郊馬上口占寄兄道損次韻

日暖寒郊不起風使君車騎出城中遙知望處思兄弟
鴻鴈連連下遠空

寄題蘇子美滄浪亭

聞買滄浪水遂作滄浪人置亭滄浪上日與滄浪親宜
曰滄浪叟老向滄浪濱滄浪何處是洞庭相與鄰竹樹
種已合魚蟹時可緝春羹茱白菰夏鼎烹紫萸黃柑摘
霜晚香稻炊玉新行吟招隱詩嬾戴醉巾憂患兩都
忘還往誰與頻昨得滁陽書語彼事頗真曩子初去國
我勉勿迷津四方不可之中土百物淳今子居所樂豈
不遠埃塵被髮異秦伯結客非春申莫與吳俗尚吳俗
多文身蛟龍刺兩股未變此遺民讀書本為道不計賤

與貧當須化閭里庶使禮義臻

送河東轉運劉察院

塞郡屯師久飛芻始得人權傾擁旄將詔輟繡衣臣舊
里過京洛辭家渡孟津紫裘蘇合淞驄馬玉環辰榆莢
關頭雨梨花谷口春高車方陟險豐膳暫違親山勢北
臨岱地雄西隔秦行臺知不遠能使問安頻

依韻和玉汝對月見懷西軒

坐見沙頭月復憐衣上輝正如從我飲還欲照君歸相

逐影徒是共嗟歡已非夜深依岸落寒色入傷違

依韻和玉汝舟中見懷

遙聞出舟望始愛川原廣春冰未破時旋拉寒篙響鳴鴈似相隨遠日聊一仰能知狀物工把筆獨見想

同道損持國訪孔旼處士

高廬當大道節士不肯過窮巷獨秉德車馬一何多勢力走諛諂禮義服委佞是以被褐人長甘北山阿曰今豈有媿漁上有行歌

二月十四夜霜

欣欣東園杏忽值春飛霜粲然彼繁英萎若出沸湯既能與之榮而復使之傷向來肅殺時已共百卉黃今同草吐心不似草心長天理固難測誰要必其常

送謝師直南陽上墳

躍馬清明前行將拜孤壟松吹送悲聲綠纓淚如湧三歲牢南方奠罍阻親捧山下獨徘徊雨來雲翳翳

奉和持國曼叔方叔送師直歸馬上同賦之什

郭外桃李花赤赤復白白為君歌古曲行子在南陌衆
人各已歸春風送無迹安知春風送到處花當客我病
出獨難併請春風謫此情無遠近千里不能隔

和韓子華寄東華市玉版鮓

客從都下來遠移東華鮓荷香開新包玉臠識舊把色
潔已可珍味佳寧獨捨莫問魚與龍予非博物者

喜雨

冬涉春無雨侵晨忽霈然燕曾知社後雷未發聲前細

濕林花暗輕霑土脈全看看一百五風勢莫狂顛

送王判官之江陰軍幕

易知

往時初渡江頗愛江南美誰知坐卧間思及烟波裏絮
逐鯢魚鱗鼓添蕤線紫君行語風物到日應相似

送王龍圖源叔之襄陽

忽驚車駕臨乃是荊州長登堂語出處陳事猶夢想別
逾二十年相遇今始兩爵位異禮數齒髮可下上但問
我何有而獨不愛曩敢告守拙愚此道未嘗枉行當至

峴山羊公存廟像簫鼓有時莫道德其可仰

依韻和持國新植西軒

開地臨廣衢崇崇十餘畝新軒稍偏北治圃亦西酉
盎中植菡萏水不過升斗小桂未得地驗活徒招朽上乏
幽禽啼下多穴蟻走藥苗雖無補欲比山中有澆灌同
一時萌芽或先後松株不滿尺廊廟色已厚稟性久且
堅物理豈無偶櫟櫚仍未大散葉纔八九夏綠與冬青
各各自為友吾軒還處西脩竹爾後取兩莫論是非但

可吟對酒

送師直之會稽宰

其兄在
餘姚

天下風物佳莫出吳與越
新罷吳官來又隨越舸發
連宰吳越間皆通蛟鼉窟
伯氏復同郡邑境接民堡
寧將內隔外正以肉附骨
姚江遺魚蟹稽山奉筍蕨
足得相交歡高堂未華髮
送子意不盡念逐有明月

西湖觀新出鵝兒道損持國曼叔請予賦之

春葩畏雷後鵝開形已完
嫩毛輕染藥小掌未全見

物初能噉浮波尚怕寒山陰無道士更長換應難

宛陵集卷二十九

欽定四庫全書

宛陵集卷三十

宋 梅堯臣 撰

送李密學赴亳州

倦輸關內粟遂請潁川符治績可稱最士民將以蘇譙
都君命重苦縣祖風殊仙檜留陰在甘棠即化敷行舟
通遠水候騎溢長衢他日人懷望煙雲自滿湖

送樊秀才歸安州

開元有謫仙酒隱向安陸子嘗慕其人文字不拘束月

欽定四庫全書

宛陵集
卷二十

二

下每醉吟落紙輒數幅今當安陸歸白酒邨中熟一名
猶未成雙親淚盈目切莫苦銜杯無心不擇祿去去煙
水間野禽噪古木聞聲不得名將投山舍宿此趣自可
嘉非如走塵轂

依韻李密學合流河口見懷

二水交流抱閭井清潭幾曲自淵回已浮畫舸遙遙去
更愛雙鷺泛泛來

觀理疏

野薺不堪食蕪菁今正肥
夏畦人所病老圃方可窺
乳雀爭銜蝶鳴雅各護兒
於陵豈復有空學桔槔為

哭尹師魯

謫死古來有無如君甚冤
文章不世用器業欲誰論
野

闕

王傳招辭些屈原平生洛陽友
零落幾人存

泛舟和持國

綠源去未窮夾岸樹濛濛
弱蔓低侵水殘芳不隱叢
沅衣思越婦折筍擬江童
薄暮迴船處潭魚動鏡中

欲晚訪韓持國忽道損見過不克往持國示詩

因答

西雲沈日脚命僕駕我車我車已在庭有客方詣廬談
笑不覺夕雞黍且煩渠重約勿以怪但當摘園蔬

送京西轉運李刑部移京東轉運

錢

列藩環王都遂分東西道統制連別京守臣多碩老外
臺持權綱才具必美好公今且更踐入用頗不早乃令
山東粟餉餽歲可保古路趨汶陽長風吹綠草

送李庭老歸河陽

五月馳乘車歸心豈畏暑道中多清陰日中不遑處
函谷自控帶大河無險阻時平獨往還拜壽觴屢舉

詠雙杏子其核亦然

子核成雙杏將寄同心人定棲鴛鴦魄為物豈無因

和王仲儀楸花十二韻

春陽發草木美好一同時桃李雜山櫻紅白開繡枝
楸英獨步媚澹紫相參差大葉與勁幹萼密自宜圖出

帝宮樹聳向白玉墀高絕不近俗直許天人窺今植郡
庭中根遠未可移但欣東風來不恨和煦遲山禽勿慮
踏蜂蝶休掇之昔聞韓吏部為爾作好詩愛陰無纖穿
就影東西隨公今亦牽此端坐曾莫疑

目昏

我目忽病昏白晝若逢霧窺驚隻物雙書輒下筆誤來
人髣髴是飛鳥朦朧度紆紆孰辨別此已忘好惡

送韓八太祝歸京師求醫

少年潔而腴茸茸頷有鬚冒熱跨馬去去天王都借
問去何謂就醫將疾驅客曰實誑我健壯其非夫敢告
固不給但怪所見愚瘡者未必病病者未必癰天馬不
著肉日走萬里塗山熊豈無膏養體唯恐痛滯結在於
內安得形肌膚厥貌雖美好厥疾勿須臾療之欲其漸
熾之非愛軀此行不飲別安得持酒壺

記春水多紅雀傳云自新羅而至道損得之請

余賦

赤羽異蒿鷄來自東夷國羣集成皋間翩翩皆一色舉
臆發朱砂為瑞應火德穿屋彼非類啄粟慙與食清聲
殊啁啾所畜每陋逼應當放之去重展萬里翼

持國遺食

乞食非為貧妻病妾且死晨爨不煖釜朝飯亦輟匕遺
我我所恤食我我所恥我恥曾我求我恤寧我止應之
豈在豐赴意實未鄙漂母殊下鄉為惠得終始

捫瓦蛭得蚤

茲日頗所愜捫蝨反得蚤去惡雖未殊快意乃為好物
敗誰可必鈍老而狡天穴蟻不齧人其命常自保

同道損世則元輔游西湖於卞氏借雙鶴以觀
塘蒲蔭綠水菡萏豔脩渚想像華亭野但欠鳴鶴侶同
來三四人趣尚頗相與思見此清禽無能覲翔羽城隅
有大第世本官吳楚嘗同太湖石不惜持金取欲作園
林勝園林寧暇覩今當問其家借賞無吾拒果亦致之
來奮毛如喜舞雖生滄海心翅重不得舉還爾稻梁貪

崇邱在何所

送上虞孫主簿

稽山參雲深刻水與天碧行將啼鳥親翫不游鱗隔況
世住新安又嘗為粵客風物知所諳窮幽梯翠壁

寄題金州孫御史處陰亭

有形則有影畏影當念形日月難久晦處陰乃暫停光
照不復離疾走何所寧當是誚尼父我輩烏忍聽結廬
雖可託夜燭亦熒熒直躬觀罔兩將此同醉醒

石榴

榴枝苦多雨過熱
坼已半秋雷石罌破曉日丹砂爛
任從雕俎薦豈待霜刀判
張騫西使時蒟醬同歸漢

七夕

古來傳織女七夕渡明河
巧意世爭乞神光誰見過
隔年期已拙舊俗驗方訛
五色金盤果蜘蛛浪作窠

同諸韓及孫曼叔晚游西湖三首

晚日城頭落輕鞍
果下涼野蜂銜水沫舟子剥菱黃
木

老識秋氣徑幽聞草香幅巾聊去檢不作楚人狂

爍電未成雨涼風先入衣青天忽開影紅日尚餘暉
蛺蝶作團起蜻蜓相對飛嘲謔不覺夕跨馬月中歸

舟中演滿意不淺却坐林塘景欲昏翠色蜻蜓立
菱蕊青絲腰裊秣城根

韓玉汝遺澄心紙二軸初得此物歐陽永叔又
得於宋次道又得於君伯氏子華今則四矣

三得澄心紙吾嘗再有詩初能條本末不復語興衰堪

入右軍迹暫無幼婦辭君家兄弟意將此比烏絲

和王仲儀二首

麝香

游伏柏林下食柏遂生香空知噬臍患豈有周身防赤
豹以尾死猛虎以睛喪儻或益於用捐軀是其常

凌霄花

草木不解行隨生自有理觀此引蔓柔必憑高樹起氣
類固未合縈纏豈由已仰見蒼虬枝上發彤霞並層霄

不易凌樵斧誰家子一日摧作薪此物當共委

七月二十一夜聞韓玉汝宿城北馬鋪

暗樹秋風擺葉鳴桃枝竹簟冷逾清孤燈澹澹短亭客
半夜蕭蕭聞雨聲

夢過三陵

夢過漢陵間秋風石馬閑當年侍臣淚泣盡向三山

詠扇

翦紉成薄質誰將擬月輪閔竭夏后德同我天王仁及

至為時用豈必美畫人何憂秋風來退藏保其真

送曼叔襄城尉

昔君乘紫騮來獵荒城下復乘紫騮去不逢亭長罵溪
風欲涉時山雪獨歸夜此趣信所詣羈官莫悲吒

送吳給事自許昌移淮西

直道昔參輔獨將天下憂忠言悟明主退請拜諸侯坐
閤政方舉移藩心所求蔡人迎且喜許俗愛難留夾路
車徒盛分疆禾黍秋穆陵無夜閉仁化自公脩

欽定四庫全書

宛陵集
卷三十

亳州李密學寄御棗一篋

沛譙有鉅棗味甘蜜相差其赤如君心其大如王瓜嘗
貢趨國門豈及貧儒家今見待士意下異盧仝茶食之
無厭飫詠德曾未涯

九月五日夢歐陽永叔

朝鏡惡白髮夕夢對故人常恨道路隔忽喜顏色親相
笑勿問年青銅早傷神雞號天欲白向者猶疑真

自尉氏南至京皆水及人脛

陸行畏水深舟行畏水淺河流去時閤涂潦歸時踐事
與時相違我慙行處蹇人生莫為客為客此安免

九月十六日自許昌廻至京師胥平叔宋中道
迂于郊外

今日至國門二子來迎我適遇信陵冢冢棘秋葉墮翩
翻隨人飛拂馬右或左謂此獨無情亦與吾意可

裴如晦赴河陽幕

號風一夜動作雪欲愁客客莫苦嗟行農望明年麥方

來笑語同又是關河隔主人賢且智不待子所畫

送韓子華十月拜埽

白露已變霜孝心竟悲惻薦衣如念存拜壟不遑息帶
劍蓬池外兼程困馬力禮畢便當還於誠乃為得

送韓六玉汝宰錢塘

子嘗訪林
逋湖上

頃尋高士廬正值浸湖雪雪中千萬峰參差縣前列僧
居或隱見岸樹隨曲折驚鳬如避人遠向寒煙滅潛希
為子男儻得遂疎拙今逾二十年志願徒切切方聞落

君手與我曾未別景多詩莫窮歸載壓車轍

得曾鞏秀才所附滁州歐陽永叔書答意

客從淮上來往問故人信袖銜藤紙書題字遠已認既
喜開其封固覺減吾各新詩不作寄乃見子所慎向來
能如今豈有得觀豐南方歲苦熱生蝗復饑饉憂心日
自勞霜髮應滿鬢知子欲東歸曉夕目不瞬貧難久待
乏薄祿藉霑潤雖為委吏冗亦自甘以進相望未得親
終朝如抱疹

追詠崔奉禮小園

前此訪君時已觀堂宇邃安知中屏開自有幽林致花
塞巖桂紅石壁雲根翠正當秋風來不見搖落意日得
吟其間何須去為吏

宋中道快我生女

爾嘗喜詛予生女竟勿怪今遂如爾口是宜為爾快亦
既以言酬固且殊眎慰情何必男茲語當自戒

詠宋中道宅梭櫚

青青梭櫚樹散葉如車輪擁籜交紫穎歲剝豈非仁用
以覆雕輿何憚克厥身今植公侯第愛惜知幾春完之
固不長只與薺本均幸當救園吏披割見日新是能去
窘束始得物理親

詠枰

聖人防爭心衡權為之設後世失其平有星徒爾列物
物尚可欺銖銖不須別將淳天下民安得必毀折

詠象韓子華邀賦

軀大力無用遠物賞馴柔食芻與飲水百倍於馬牛猶
能絡金羈不可伏車輶蒼舒曾智秤千鈞空壓舟

依韻答惠勤上人

釋子本樂靜宜不事物牽我慙姑蘇守復賞杼山然三
歲與之別其學已增前忽此有來贈老拙謬耽研

答顯忠上人

驅馬傍馳道歸自許西偏高車非舊輦立避槐樹邊心
雖欲往謁僕餒行不前是甘處窮巷晨笑微生煙儻有

好事者扣門與留連或出袖中詩語熟氣頗全曾不類
緇褐始可令勉旃京師百許寺知幾相差肩

送韓仲文奉使

往使匈奴國持節豈辭遙朔北正苦寒風汝與雪飄燕
山何處是漢銘應已銷前車渡冰河後騎鳴金鑣行行
至穹廬尊我不敢躡玉爵親獻酬名裘進狐貂禮成復
命日苑柳舒楊條

送劉司勳奉使

授命出絕域北至單于庭駝鳴沙磧遙馬倦朔雪零幽
州古道上胡笳應夜聽嘗聞昔時語南看北辰星使回
儻可託乃得驗天形

依韻和歐陽永叔秋懷擬孟郊體見寄二首

我居西北地秋無東南風木脫不塞望高臺空九重音
塵安可得鴻雁鳴霜中日看紫苔生乃見三經窮一聞
離騷篇寫盡楚客胃胃懷如寶匣夜夜吼生銅

秋思公何高堆積自崧嵒出為悲秋辭萬仞見孤聳念

我老於詩我髮實種種而後傷故人故人多作家陰風
夜木噪窻窻聞鬼悚獨我忘形骸百事乃纖冗不眠霜
月上霜月如可捧

裴如晦自河陽至同韓玉汝謁之

朝聞單騎歸徑走至其第扣門童僕頑拒我色甚戾不
顧遂登堂有馬堂下繫辯詐大呼卿稍應西屋際逡巡
冠帶出青綬何曳曳有似縮殼龜藏頭非得計况與二
三子交分久已締怨爾避客尤新還復新壻

詠王宗說園黃木芙蓉

水中兼木末相擬有嘉花
玉蕊折蒸栗金房落晚霞
涉江從楚女采菊聽陶家事
與離騷異吾將搴以誇

二馬

舊馬十年跨老劣多緩行
新駒三萬錢頗愛舉蹄輕
不使異芻秣均養存其情
君門趨早朝風勁力已生

依韻和發運許主客詠影

苔影陶潛興長吟為我聽
與之相遇日曾不異於形動

靜隨生趣存藏委曜靈莊周疾走意推本置諸銘

寄題周源員外衢州萃賢亭

昨朝江南客語子川上亭有持飛雨來不見前山青
卉人未識鳥響日可聽既將遲賢者無使童僕局

答楚僧智普始與吳僧顯忠來過今見二人詩
進於舊矣

我初見子時子作楚人語復與吳客來音俱變齊魯乃
知久處益薰猶可同舉更當富於學茲言聊以補

鴨雛

春鴨日浮波羽冷難伏卵嘗因雛抱時託以雛窠暖三
旬殼既拆乳毛寒脰短雛寧辨其雛翅擁情款款一日
向水涯所稟殊未斷泛然去中流雛呼心寔寔人之苟
異懷負義不足算有志在養毓勿論報德限

有覩十一月七日

來恨我馬遲去恨我馬疾馬蹄塵作雲已隔粲然質時
時顧且遙亂緒如有失

--	--	--	--	--	--	--	--

欽定四庫全書

宛陵集
卷三十

七

宛陵集卷三十